

Veteris Testament., quæst. 98. Ergo pari ratione, cum dicitur Christus *sedere in cœlo*, intelligendum erit proprie de sessione corporali. Neque enim contraria sunt. Potuit namque, qui semper sedet, tunc surgere et stare, ut Stephanus, sic eum videns, intelligeret Christum sibi compati, et paratum esse ad sibi auxiliandum, sicut Gregorius interpretatus est, vel (ut ait Augustinus) *quia apparere voluit tanquam qui causam diceret, et ad dexteram judicis staret*. Quando enim Sancti Patres hujusmodi mysticas, seu morales rationes reddunt, propter quas Christus stans a Stephano visus est, non sentiunt Stephanum non vidiisse Christum vere ac proprie stantem. Alioqui non fuisse omnino vera et realis illa visio sensibilis, sed phantastica et apparens tantum; cum tamen Stephanus non fuerit contentus affirmando se videre Christum, sed asserere etiam voluerit modum, seu situm corporis ejus quem videbat, ut ostenderet quam aperte et distincte illuminareret, tametsi longissime distantem, et quamvis ab aliis circumstantibus videri non posset.

6. *Christi sessio ad dexteram Patris non est corporalis et propria, sed metaphorica.* — Nihilominus tamen nullus Sanctorum aut Catholicorum doctorum ita interpretatur hoc verbum, *sedere*, de corporali sessione. Primum quidem, quia hujusmodi sessio nihil ad perfectionem seu gloriam Christi pertinebat. Cum autem dicitur Christus *sedere ad dexteram Dei*, magna quedam dignitas significatur, et certum signum majestatis ejus. Deinde, quia licet non sit certum an Christus in cœlo corporaliter stet aut sedeat, et utrumque sit in ejus potestate, tamen multo probabilius videtur ipsum stare, quia sedere per se non est tam connaturale homini, sed solum propter necessitatem, ut requiescat, et non defatigetur. At vero in cœlo nulla erit hujusmodi necessitas, cum immortalia et gloria corpora laborem sentire non possint. Unde quod Paulus ait, Ephes. 2, *nos concessuros cum Christo in cœlestibus*, non est verisimile esse intelligendum de sessione corporali; quia (ut dixi) magis naturale est homini stare, magisque ad omnes actiones perfectas corporis humani accommodatum. Neque huic veritati repugnat, quin potius illam confirmat visio Stephani, Actor. 7. Nam, licet verbum *standi* possit etiam metaphorice exponi, vel lata significacione, ut idem sit quod existere, seu præsentem adesse, ut Matthæ., 16:

*Sunt de his stantibus, qui non gustabant mortem, id est, ex iis qui præsentes adsunt, tamen melius intelligitur in propria et rigorosa significatione propter testimonia Sanctorum, et rationem adductam. Quia Stephanus vera vidit Christum clare et distincte, prout in cœlo existit; frivolum autem est fingere Christum antea sedisse, tunc autem surrexisse, ut a Stephano stare videretur. Sit igitur certum, *sedere* hoc loco metaphorice sumi.*

7. Quid autem hac metaphora significetur explicandum est. Et primum quidem si de Christo, ut Deo, haec verba interpretetur, et per *dexteram* intelligamus divinam majestatem, seu Patris æqualitatem, *sedere* nihil aliud erit quam quiete seu pacifice possidere eam dignitatem, seu simul cum Patre regnare, tanquam supremum regem, ac dominum omnium. Additque Basilius, lib. de Spiritu Sancto, c. 6, *per hunc concessum, naturam Dei solidam, ac immutabilem significari*, juxta illud Baruch, 3: *Et tu sedes in æternum*. Unde Cyrilus Hierosol., cat. 14, dicit hanc dignitatem non convenire Christo post adventum in carne, *sed ante omnia in sæcula; quia unigenitus Filius Dei Patris a dextris semper assidebat*. Cui consentanea est visio Isaiae, *qui vidit Dominum sedentem super solium excelsum et elevatum*. Quanquam enim de tota Trinitate possit intelligi, tamen de Christo specialiter exponitur, Joann. 12. Hinc etiam Cyrus Alexand., 1. 12 Thesauri, c. 7, dicit, *sedere ad dexteram Patris*, esse ita proprium Christi, ut nulli creaturæ convenire possit, *quia solus ille cum Patre simul regnat*. Et eamdem interpretationem habet Chrysost.. hom. 2 ad Hebr.; Theophylactus, Theodor. et Oeumenius, ad Hebr. 1. Ac denique fere omnes Sancti juxta hunc sensum ex hac sessione ad dexteram colligunt æqualitatem Filii cum Patre. Quibus multum videtur favere Paul., ad Hebreos 4, ubi probat Christum esse Deum, dicens: *Sedet ad dexteram majestatis in excelsis*; et infra: *Ad quem autem Angelorum dixit aliquando: Sede a dextris meis?* Et Christus ipse ex eodem loco probavit suam divinitatem. Verum est tamen responderi posse, Christum non probare suam divinitatem ex sessione, sed ex appellatione Domini. Unde inquit: *Si ergo in spiritu David vocat eum Dominom, quomodo filius ejus est?* Et Paulus ad eamdem Domini, seu Filii appellationem potissimum allusisse videtur. Sic enim ait: *Sedet ad dexteram majestatis in ex-*

tuis, et constituens ad dexteram suam; et Mariæ ult.: Assumptus est in cœlum, et sedet ad dexteram Dei. Et haec etiam exposicio aliquid veri continet; aliquid vero amplius addendum est, quia verbum *sedendi* (ut diximus) quamdam excellentiam et dignitatem significat.

9. *Sedere in Scriptura quid.* — Igitur *sedere* hic per metaphoram significat idem quod regnare, seu præesse omnibus tanquam supremum regem ac judicem, qui tanta dignitate præcellit, ut in eodem solio cum Deo sit, et eadem adoratione colatur. Haec exposicio colligitur ex omnibus Sanctis supra citatis. Et est usitata haec phrasis in Scriptura, 3 Reg. 1: *Salomon, filius tuus regnabit post me, et ipse sedebit in solio meo*; et 1 Reg. 2: *Suscitat de pulvere egenum, et de stercore elevat pauperem, ut sedeat cum principibus, et solium gloriae teneat*. Unde Paulus, 1 ad Cor. 15, sic de Christo loquitur: *Oportet autem illum regnare, donec ponat omnes inimicos sub pedibus ejus*. In quibus verbis alludit sine dubio ad verba Psalm. 109: *Donec ponam inimicos tuos scabellum pedum tuorum; et loco verbi sedendi, quo David usus fuerat*, Paulus, veluti metaphoram explicans, *regnandi* verbum usurpavit. Et simili modo 2 ad Timoth. 2, de omnibus electis loquens, inquit: *Ideo omnia sustineo propter electos, ut et ipsi salutem consequantur, quæ est in Christo Jesu, cum gloria cœlesti, quam explicans subdit: Fidelis sermo, nam si commortui sumus, et convivemus, si sustinebimus, et conregnabimus*. Quo ultimo verbo videtur explicare quod ad Ephes. 2 dixerat: *Consedere nos fecit in cœlestibus*. Præterea haec metaphorica significatio optime quadrat in verbum *sedendi*, quasi per antonomasiæ dictum ad explicandam dignitatem. Nam judicantis, præcientis, ac dominantis est sedere, et aliis imperare. Unde, quandocunque dicitur visus Deus in Scriptura in majestate sua, tanquam supremus Dominus, dicitur apparere sedens, Isaiae 6: *Vidi Dominum sedentem supra solium excelsum, et cætera; et juxta eamdem metaphoram, dicitur Deus sedere super Cherubim*. Hanc denique interpretationem recte attigit Origenes, tract. 12 in 20 c. Matth., dicens: *Vide ne forte quod dicitur, Christum restitui in regno suo, recipientem proprium principatum, hoc sit, sedere Christum in solio gloriae suæ*. Et infra: *Intelligat ergo, qui potest, eminentiam quidem regni in hominibus Christum recipisse, et glorificatum esse ad gloriam quam habuit priusquam esset mundus*.

10. *Christus per ascensionem aliquo modo dexteram Patris adeptus.* — Quomodo per ascensionem assecutus Christus sit, ut sedeat ad dexteram Patris. — Quinto, videndum est claritas quam Christus petebat, Joann. 17: *Ego te clarificari super terram, opus consummavi, quod dedisti mihi, ut faciam, et nunc clarifica me, tu Pater, apud temetipsum, claritate quam habui, priusquam mundus esset apud te.* Atque hæc eadem expositio accommodari potest, etiamsi de Christo secundum humanitatem hanc sessionem interpretetur. Quanquam enim re ipsa non sit assecuta per ascensionem illa humanitas, ut admirabil modo sit in throno majestatis Dei, atque adeo ut ratione illius unionis debeatur illi homini singularis cultus et adoratio; item licet non sit consecutus idem homo in humanitate sua essentiali gloriam, neque potestatem aut dominium excellentiae in omnes creaturas; tamen per ascensionem singulari modo coepit tota hæc majestas illius hominis clarescere in cœlo et in terra. Ac præterea (ut humano more loquamur) denuo possessionem accepit regni sui, ac totius orbis, per ingressum in cœlum, tanquam in proprium locum regiae curiae, a Deo destinatum ad regendum et imperandum. Locus enim terræ potius fuit ad serviendum et laborandum. Unde etiam non incongrue dici potest, sedisse post ascensionem, quia tunc quasi quievit, et cessavit ab operibus viæ, coepitque uti tantum potestate regia ac dominativa.

11. *Sedere ad dexteram Dei proprium Christi quomodo.* — Sexto, ex iis etiam facile definitur incidens dubium in superioribus insinuatum, scilicet, an sedere ad dexteram Dei sit proprium Christi, vel conveniat etiam aliis beatis. Dicendum est enim non esse dubium, quin sub aliqua ratione sit hoc proprium Christi Domini, et sœpe in Scriptura sacra hoc illi attribuatur tanquam singularis excellentia ejus, ut ex Cyril. Alexand. et aliis Patribus supra notatum est, et apud Paulum est egregius locus ad Hebr. 1: *Ad quem autem Angelorum dixit aliquando: Sede a dextris meis?* Est autem hoc proprium Christi multis modis, qui omnes oriuntur ex majestate personæ illius, et ex divinitate, et æqualitate quam cum Patre habet. Unde si consideretur ut divina persona Verbi, nulli creature potest convenire sedere ad dexteram Patris, sicut ipse sedet, et ita hoc est proprium ejus, comparatione facta ad creaturas. Nam Spiritui Sancto hoc sensu commune est sedere ad dexteram Patris, et Filii, ut hic sentit D. Thomas, et recte nota-

vit Athanas., lib. de Communi essentia. Si autem consideretur Christus ut homo, sic etiam esse hominem æterni Patri majestate et potentia æqualem, proprium est Christi. Atque eadem ratione, si non solum loquamur de Christo homine, sed etiam secundum humanitatem, est etiam proprium illius habere in humanitate excellentiam super omnem excellentiam creatam, et singularem beatitudinem, non solum in gradu intensionis et perfectionis, sed etiam in modo obtinendi illam ut connaturalem, ex vi propriæ dignitatis et majestatis debitam. Atque idem est de singulari domino et potestate, tam ad operandum quam ad imperandum omnibus creaturis, adjudicandum de omnibus hominibus. Propter quæ omnia merito dixit Ignat., Epist. 7 ad Tharsenses: *Quomodo merus homo audit: Sede a dextris meis?*

12. At vero certum nihilominus est, et Scripturæ quoque ipsi consentaneum, secundum quamdam participationem communicari Christi membris hanc sessionem, alii magis, aliis vero minus, pro dignitatum varietate. Nam secundum participationem gloriæ, tam animorum quam corporum, omnibus electis datum est ut cum Christo considerant, sicut etiam omnibus datum est ut cum Christo conregnent, 2 ad Timoth. 2. Quatenus enim omnes Sancti in cœlesti beatitudine cum Christo habitabunt quieti ac securi, fruentes potissimum bonis Dei, hoc modo dicuntur sedere cum Christo, et sic dicitur Apoc. 3: *Qui vicerit, dabo ei sedere mecum in throno, sicut et ego vici, et sedi cum Patre meo in throno ejus.* Illa enim particula, sicut, non dicit æqualitatem, sed similitudinem participationis. Atque eodem modo dixit Christus, Joan. 14: *Vado parare vobis locum, et iterum veniam, et accipiam vos ad me ipsum, ut ubi ego sum et vos sitis.* In illo die vos cognoscetis quia ego sum in Patre meo, et vos in me, et ego in vobis. Et Luc. 22: *Ego dispono vobis, sicut disposuit Pater meus vobis regnum, ut edatis et bibatis supernam meam in regno meo, et sedatis super thronos judicantes duodecim tribus Israel.* Et similia sunt frequentia loca Scripturæ in quibus dicuntur justi regnaturi cum Christo, Apoc. 20: *Regnarerunt cum Christo mille annis;* ad Roman. 5: *In vita regnabunt, etc.,* quamvis cæteri non sint eodem modo regnaturi quo Christus. Ille enim solus regnabit tanquam supremus gubernator totius regni, cæteri vero dicuntur regnaturi, vel quia fructus regni in eos redundabit, sicut Romani dice-

bantur olim regnare, licet unus esset imperator, quia illi potissimum fruebantur honoribus et divitiis illius imperii. Vel quia omnes participabunt aliquo modo potestatem imparandi inferioribus creaturis, sicut etiam participabunt aliquo modo potestatem judicandi, ut postea dicemus.

13. *Objectio.* — *Locus dexter ignobilioribus attribui solitus, quare.* — Una vero superest explicanda difficultas, cum dextera locus honorior sit, cur tribuatur Christo *sedere ad dexteram Patris.* Videtur enim Pater ad sinistram, atque adeo in ignobiliori loco constitui. Huic difficultati varie ab scriptoribus responsum est. Primum, Antonius Nebrissen-sis, in explicatione quinquaginta locorum Scripturæ, in ultima quinquagena, cap. 39, negat locum dexterum olim fuisse honorarium. Quod si verum est, tollitur totius difficultatis fundamentum. Illud vero confirmat nonnullis testimoniis poetarum, quæ lubens prætermitto, quia judicio meo parum suadent. Confirmari etiam potest, quia videmus in antiquis imaginibus Petri et Pauli, Paulum ad dexteram Petri collocari, ut observavit etiam D. Thomas, lect. 1 in Epist. ad Galatas; et Petrus Damian., in Epist. ad Desiderium. Et in hujus confirmationem addi potest quod refert Euseb., l. 1 de Vita Constant., cap. 13, se vidisse Constanti-num, cum esset adolescens, ad dexteram imperatoris assistenter seu incidentem. Additur etiam congruentia, quia cum pars hominis dextera sit dignior, hinc, qui alium nobiliorem comitabatur, ad ejus dexteram incedebat, non ut esset in loco honoriori, sed vel ut pars potissima et honorior medium teneret locum, vel ut eum commodius posset tueri atque defendere, et ideo isti, qui latus dexterum alterius cludebant ac tegebant, dicebantur olim stipatores, seu laterones. Hæc vero responsio imprimis applicari non potest Christo secundum divinitatem, quia non potest de illo dici quod sedeat ad dexteram Patris tanquam in loco minus digno. Deinde nititur fundamento valde dubio, nimirum, locum dexterum olim fuisse olim ignobiliorum. Contrarium enim absolute affirman-t Hier., super ad Ephes. 4, et Ambr., serm. 61. Et saltem in Scriptura ubique per dexteram honorior locus indicatur, et ideo justi dicuntur futuri *ad dexteram;* et mater filiorum Zebedæi, *sedere ad dexteram et sinistram filii postulavit,* id est, primum et secundum locum; et Joseph, Genes. 48, filium suum Manassem tanquam digniorem posuit

ad dexteram patris; Jacob vero, ut Ephraim præferret, manus commutavit, et dexteram posuit super caput Ephraim. Quocirca, quamvis esse ad dexteram alterius interdum in Scriptura non significet honorem, sed auxilium et protectionem, sicut in illomet Psalm. 109 dicitur: *Dominus a dextris tuis, confregit in die iræ sue reges; et Psalm. 45: A dextris est mihi, ne commovere;* et Psalm. 108: *Confitebor Domino nimis in ore meo, et in medio multorum laudabo eum, quia astigit a dextris pauperis, ut salcum faceret a persequentibus animam meam;* unde inter maledictiones quæ in eodem Psalmo adversus Judam prædicuntur, dicitur: *Et diabolus stet a dextris ejus, scilicet, ad persequendum; nihilominus tamen quandocunque dextera ponitur in Scriptura ad locum honoris indicandum, significat honoris magnitudinem, ut notavit Ambrosius, ad Hebr. 1, et fere omnes alii Sancti hoc mysterium Christi explicantes. Quapropter etiam Eusebius loco citato dicit, Constantium adolescentem summo honore apud imperatorem fuisse dignum, quem honorem postea explicans, subdit ad imperatoris dexteram astitisse. Solent enim principes, quamvis ipsi dignitate præcellant, honoris tamen hospitiique causa, ad dexteram suam alium principem ducere. Ex quo non licet colligere, locum dexterum esse inferiorem; sed potius esse superiorem, licet interdum a digniori persona inferiori concedatur propter causam predictam. Quomodo solet etiam rex regiam ferre ad dexteram honoris causa, quamvis regis persona statusque dignior sit. Quomodo recte intelligitur illud Psalm. 44: *Astigit regina a dextris tuis, in vestitu deaurato;* et illud 3 Reg. 2, ubi Salomon fecit matrem sedere in throno ad dexteram suam. Atque eodem modo intelligi potest quod de imaginibus Petri et Pauli adducatur, quamvis illud non sit in universum verum de omnibus antiquis imaginibus horm Sanctorum. Nam in multis quæ nunc Romæ cernuntur, et in numismatibus, Petrus ad dexteram depingitur; interdum vero ponitur Paulus ad dexteram (licet absolute esset dignitate inferior), vel cuiusdam urbanitatis et honoris causa, et quasi ratione hospitii, quia Petrus erat Romæ in propria sede et Episcopatu, Paulus vero velet ad Petrum juvandum accesserat. Vel in quamdam amoris et gratitudinis significacionem, quia Paulus Doctor gentium fuit, et plurimum Ecclesiæ profuit.*

14. *Responsio.* — Secundo ergo juxta hanc

doctrinam responderi potest, Christum dici sedere ad dexteram *Dei Patris*, non quia sit persona dignior Patre, sed quia, licet in re habeat aequalē dignitatem et honorem secundum divinitatem, secundum humanitatem vero licet sit inferior, tamen, respectu nostri, et quantum ad Ecclesiæ gubernationem, quidam singularis honor concessus est Filio inter omnes divinas personas. Nam illi data est administratio et gubernatio totius regni Ecclesiæ, juxta illud: *Pater non judicat quemquam, sed omne iudicium dedit Filiu.* Nam quia Christus suo sanguine, et meritis regnum amissum Patri comparavit. ideo exaltatus est, et consecutus nomen quod est super omne nomen. Hoc ergo modo dicitur sedere ad dexteram, ad significandam hanc honoris et dignitatis excellentiam, non quidem re ipsa aut natura, sed solum administratione et officio. Tertio, dici potest, sedere ad dexteram, dignius et honorabilius esse comparatione sinistram, non tamen comparatione loci medii; et hoc modo potest dici Christus sedere ad dexteram *Patris*, non quia ipse sit in loco digniori respectu Patris, sed respectu eorum qui ad sinistram sedent. Quanquam enim comparatione facta inter duos solos, in opinionem venire possit an locus dexter vel sinistra sit honoratior, tamen, quando tres sedent vel incedunt, nulli unquam dubium fuit quin locus medius sit dignissimus, juxta illud: *In medio fratrum rector eorum.* Nam tunc qui medius est ab aliis tegitur et quasi custoditur. Rursus tunc exploratum est, dextrum locum esse potiorem sinistro, quod maxime probant omnia, quæ circa priorem responsum adduximus, et in ipsa rei natura fundatum est, quia pars dextra potior est sinistra. Sic ergo Christus dicitur sedere ad dexteram *Patris*, tanquam in honorationi loco, non respectu ipsius Patris, sed aliorum qui Patri assident. Quod aliqui accommodant Christo etiam secundum divinitatem, ita ut propter ordinem originis Filius dicatur sedere ad dexteram, Spiritus Sanctus ad sinistram, quia est origine secundus. Sed hunc loquendi modum expresse reprehendit Athanasius supra. Et omnes Sancti supra citati, qui de dignitate hoc interpretantur, nunquam dicunt significare excessum aliquem unius personæ ad aliam, sed aequalitatem. Igitur si haec responsio aliquo modo defendenda est, explicanda est de Christo secundum humanitatem, non solum respectu damnatorum, qui in quodam sensu dicuntur esse ad sinistram, quo-

rum comparatione omnes beati sunt ad dexteram, et quasi per antonomasiam Christus, sed etiam respectu aliorum beatorum qui sedent in inferiore loco, et minus digno quam Christus.

15. Quarto, facilius et simplicius dicitur, in metaphorica locutione non debere servari omnes respectus et habitudines quæ reperiuntur in re proprie significata; sed solum id quod significari intenditur. *Dextera* ergo proprie dicta, et significat locum dignissimum, et dicit relationem ad sinistram; cum autem Christus dicitur sedere ad dexteram per metaphoram, ibi non consideratur respectus ad sinistram, sed solum significari intenditur excellentia et majestas in qua Christus existit. Sicut in Scriptura non solum dicitur Christus esse ad dexteram *Dei*, sed etiam ipse dicitur esse dextera *Dei*, seu brachium dextrum, non quia Spiritus Sanctus vel aliquis alius sit sinistra *Dei*, sed solum ut absolute significetur esse Verbum, per quod Pater omnia operatur. Sic igitur Christus, ut Deus, dicitur esse ad dexteram *Patris*, non quia Pater sit ad sinistram, sed quia in se habet totam illam excellentiam, et perfectionem, et omnipotentiam, quæ per dexteram *Dei* metaphorice significatur. Et simili proportione, Christus, ut homo, dicitur esse in dextera *Dei*, id est, in potissimum bonis quæ Deus communicavit creaturis; unde non fit Patrem esse ad sinistram ejus, ut dictum est.

SECTIO IV.

Utrum postquam Christus in cœlum ascendit, inde aliquando descenderit.

1. Hactenus mysterium ascensionis Christi in cœlum explicuimus. Quoniam vero in sequentibus disputationibus dicturi sumus de altero ipsius adventu, ac solemnī publicoque descensu e cœlis tempore judicii futuro, opera pretium visum est, hoc loco exponere an toto hoc tempore in cœlo permanserit, ita ut ad terram nunquam descenderit, neque usque ad diem judicii descensurus sit. Ratio dubitandi est, quia in Scripturis legimus Christum ascendisse in cœlum, et sedere ad dexteram *Dei*, descensurum quoque in die judicii, Act. 4: *Qui assumptus est a vobis in cœlum, sic veniet, quemadmodum vidistis eum euntem in cœlum.* Quin etiam Act. 3 additur cœlum suscepisse illum usque ad tempus restitutionis omnium; ubi Chrysost., hom. 9: *Necessum est (inquit) usque ad tempora restitutionis*

omnium Christum in cœlo permanere; et Beda, in Retract. in Acta: *Hoc est (inquit) quod eidem Domino Jesu Christo a Deo Patre dictum Psalmista testatur: Sede a dextris meis, donec ponam inimicos tuos scabellum pedum tuorum. Assumptus namque est in cœlum, et sedet a dextris Dei, in qua nimis sede paternæ majestatis semper divinitus manet, etc.* Quibus verbis videtur etiam in hunc modum exponere testimonium Psalm.: *Sede a dextris meis, donec ponam, etc.* Nam in illa particula donec, ut minimum includitur affirmatio, usque ad tempus præfixum; sedet ergo Christus, et immobilis in cœlo permanet, quādiū bellum in terris agitur aduersus inimicos ejus; non ergo hinc descendet usque ad finem, quando omnes subjiciuntur sub pedibus ejus. Unde August., tract. 30 in Joann.: *Donec sæculum (inquit) finiatur, sursum est Dominus.* Et hoc etiam confirmari potest ex illo Pauli ad Coloss. 3: *Quæ sursum sunt querite, ubi Christus est in dextera Dei sedens.* Etenim, si aliquando contingere coelum vacuum inventari Christi præsentia, contingere etiam posset decipi fideles fide ac cogitatione ad Christum in cœlo ascendentis, eumque ibi quærentes. Quod et admonitioni Pauli, et sensui ac existimationi fidelium omnium videtur esse contrarium.

2. Sed contra est. Nam legimus sæpius Christum Dominum, post ascensionem corporaliter in terris visum, secundum veram corporalem ac sensibilem præsentiam. Quod probatur primo ex Scriptura. Nam 1 ad Cor. 13, ait Paulus: *Novissime omnium visus est et mihi, nimis præsentia ac visione corporali, non minus vera ac reali quam cæteris Apostolis, quandoquidem non minus ipse futurus erat testis resurrectionis quam Apostoli, ut ibi Chrysost. notat, homil. 38, addens verisimile esse, etiam post ascensionem et electionem Matthiæ, visum esse a duodecim Apostolis, ac sæpius etiam apparuisse. Et Origin. lib. 2 contra Celsum, hunc locum tractans, aperte sentit Christum eodem modo apparuisse Paulo post ascensionem, quo cæteris Apostolis antea apparuerat post resurrectionem. Præterea, Act. 9, sic Ananias Paulum alloquitur: *Dominus Jesus qui apparuit tibi in via.* Quod autem ei apparuerit clara corporalique visione, patet ex præcedentibus verbis: *Viri autem illi, qui comitabantur Paulum, stabant stupefacti, audientes quidem vocem, neminem autem videntes.* Ponit ergo differentiam inter Paulum et comites ejus, quod*